

ALAB

Accelerating
Livelihood &
Assets
Buildup

KARBAWAN

Semi-Annual Newsletter ng Carabao-based Business Improvement Network Project
at Coconut-Carabao Development Project | Tomo 2, Blg. 2, 2023 | Pangalawang Isyu



ISSN 2945-4808
9 772945 480001 02

- 3 Koop sa Ilocos Norte tumanggap ng mga mestisang kalabaw
- 3 Dalawang breeder bulls, ipinagkaloob ng DA-PCC sa Apayao Livestock Agriculture Cooperative
- 4 26 magkakalabaw sa Victorias City, nagtapos ng FLS-DBP
- 5 Dairy Box sa Zamboanga del Norte, pormal na pinasinayaan
- 5 Pagbubukas ng Dairy Box sa Leyte at Samar

6 CBIN and CCDP sites

8 CBIN and CCDP status as of June 2023

- 10 Maraming oportunidad sa pagkakalabaw, nagbukas para sa Tupi, SoCot
- 11 NegOr ARBs, patatakbuhan ang kaunaunahang dairy biz sa Tanjay City



Editorial Staff

ERIC P. PALACPAC
ROWENA S. GALANG
Editors

MA. CECILIA I. MARIANO
Managing Editor

DINE YVE D. DAGANOS
MA. CECILIA I. MARIANO
RONALINE C. CANUTE
Staff Writers

MARIJOAN NEFULDA
STEVEN MARX B. TANGONAN
LOUIE JEE C. HUELAR
DORIE D. BASTATAS
SUNSHINE T. SABIDALAS
RODOLFO T. VALDEZ JR.

Contributors

ESTELLA P. VALIENTE
Subject Matter Specialist

DINE YVE D. DAGANOS
Layout and Illustrations

RONALINE C. CANUTE
Circulation

CARO B. SALCES
Editorial Adviser

PALIWANAG SA PABALAT

Noong dalawin ng matinding tagtuyot ang President Roxas, North Cotabato taong 1982, labis na naapektuhan ang pagsasaka sa lugar bilang pangunahing kabuhayan dito. Para maagapan ito, itinayo ang isang munting tindahan sa tulong ng parokya ng simbahan at dito nagbenta ng iba't ibang kasangkapan ang mga parokyano. Ngayon, ang Sta. Catalina Multipurpose Cooperative na nagmula sa maliit na kubo ay ganap ng isang multi-milyonaryong kooperatiba at patuloy na nagbibigay kabuhayan sa maraming tao sa pamamagitan ng dairying at iba pang negosyo nito. Ang dating lupang uhaw, ngayon ay sa gatas ng kalabaw nag-uumapaw.

(Larawang kuha ni **Rowena Galang**)





Koop sa Ilocos Norte tumanggap ng mga mestisang kalabaw

Nina **Marijoan Nefulda** at **Ma. Cecilia I. Mariano**

Tumanggap ng kabuuang 60 na babaeng crossbred o mestisang kalabaw ang **Piddig Basi Multi-Purpose Cooperative (PBMPC)** sa bayan ng Piddig, Ilocos Norte mula sa **DA-PCC** bilang bahagi ng **Carabao-based Business Improvement Network (CBIN)** project ng ahensya.

Tatlumpu ang unang ipinagkatiwala sa koop noong Setyembre 6, 2023 habang ang karagdagang 30 kalabaw naman ay ipinamahagi noong Nobyembre 14, 2023.

Kasama sa entrustment activity ang mga kawani ng DA-PCC sa MMSU sa pangunguna ni OIC Center Director Joel F. Cabading, Municipal Agriculture Officer Harvey Adap, mga opisyal at miyembro ng kooperatiba sa pangunguna ni chairperson Edilberto Cid, at iba pang empleyado ng lokal na pamahalaan ng Piddig. Sinaksihan naman ng

mga resident auditors ng Commission on Audit sa MMSU ang isinagawang aktibidad.

Ang bayan ng Piddig ay isa sa mga tinukoy na partners na sakop ng CBIN project na layuning palakasin ang industriya ng paggagatasan sa bansa. Samantala, isang pasilidad para sa pagpoproseso at pagsusuri ng gatas ang malapit nang itayo sa bayan upang maranasan ng mga residente ng Piddig at mga kalapit na lugar ang mga benepisyong hatid ng mga produktong gawa sa gatas ng kalabaw. //

Dalawang breeder bulls, ipinagkaloob ng DA-PCC sa Apayao Livestock Agriculture Cooperative

Ni **Steven Marx Tangonan**

Ipinagkaloob ng DA-PCC sa CSU ang dalawang Bulgarian Murrah breeder buffalo kina **Ronaldo Antolin** ng **Barangay Cabatacan** at **Cheriben Cortez** ng **Barangay Mataguisi**, pawang mga miyembro ng **Apayao Livestock and Agriculture** noong Agosto 24, 2023.

Ang hakbang na ito ay bahagi ng Bull Entrustment program ng DA-PCC na layuning paigtingin at paghusayin ang implementasyon ng Carabao Development Program (CDP) sa lalawigan ng Apayao at iba pang sakop ng DA-PCC sa CSU.

Ang bull entrustment ay katuwang ng artificial insemination (AI) 'di lamang sa layunin nitong magkaanak ang mga ipinahiram na dairy crossbred na kalabaw sa ilalim ng Carabao-based Business Improvement Network (CBIN) kundi dahil na rin sa pagpapalakas ng livestock sector sa lalawigan.

Ang pangunahing tungkulin nito ay ang pagpapalaganap sa carabao upgrading program sa pamamagitan ng natural na pagpapalahi ng mga kalabaw sa mga liblib na lugar na hindi abot ng AI.

Binigyang-diin ni **Dr. Rovina R. Piñera**, OIC Center Director ng DA-PCC sa CSU na mahalagang mapadali ang pagbubuntis ng mga ipinahiram na dairy buffaloes.



26 magkakalabaw sa Victorias City, nagtapos ng FLS-DBP

Nina Louie Jee Huelar at Ma. Cecilia Mariano

Dalawampu't anim na magkakalabaw mula sa Victorias City San Antonio Farmers Multi-Purpose Cooperative ang nagtapos at handa nang i-apply ang kanilang mga natutunan mula sa isinagawang Facilitators' Learning Workshop on Farmers Livestock School on Dairy Buffalo Production (FLS-DBP) ng DA-PCC sa LCSF.

Nagsagawa ng kauna-unahang FLS-DBP ang DA-PCC sa Victorias City, Negros Occidental noong Nobyembre 29, 2022 hanggang Agosto 24, 2023 bilang bahagi ng proyektong ALAB Karbawan. Naganap naman ang graduation ceremony noong Nobyembre 10.


Ang FLS-DBP ay isang makabagong diskarte na nakaangkla sa participatory at adult learning na mga pamamaraan at prinsipyo. Ang masinsinang aktibidad na ito ay naglalayong bigyan ang mga kalahok ng mga kinakailangang kasanayan at kakayahang sa pagpapatupad ng FLS-

DBP sa kani-kanilang mga rehiyon. Layon nitong gawing epektibong facilitators ang mga kalahok upang maging tagapagsanay din ng iba pang mga magsasaka sa kanilang lugar pagkatapos ng season-long learning experience.

Inaasahan na i-apply ng mga nagtapos ang mga best practices sa wastong pag-aalaga ng gatasang kalabaw upang mapataas ang produksyon ng gatas at kita. Bukod sa mga lecture sessions, kasama sa kursong pagsasanay ang mga laro, fieldworks, at case analysis para aktwal nilang maranasan ang mga pamamaraang itinuturo. Ang mga kursong tinalakay sa buong pagsasanay ay nakatuon sa pagpapakilos ng mga komunidad para sa FLS-DBP, pagpapalaki ng malusog at produktibong gatasang kalabaw, pagbuo ng mga negosyong salig sa kalabaw, participatory technology development, at participatory tool upang masukat ang epekto at kahalagahan ng FLS-DBP.

Kabilang sa mga resource persons para sa lecture sessions sina Eden T. Tio, Ma. Fen E. Taneo, Victor S. Geroche, Roden M. Sumagaysay, Louie Jee C. Huelar, Hector T. Ringor, Arnold Vanguardia mula sa DA-PCC sa LCSF, at sina Ma. Gerald O. Paez, Elisha D. Franco, at Rey E. Barreto mula sa LGU Victorias City.


Nagpahayag naman ng pasasalamat ang mga nagtapos dahil sa mga natutunan nila partikular na ang mga itinurong teknolohiya at pamamaraan sa wastong pag-aalaga ng kalabaw. Nakapagbahagi rin sila ng kanilang kaalaman sa mga magsasaka na benepisyaryo ng proyektong CBIN. Tinalakay din nila ang kanilang mga hakbang para isakatuparan ang isang buo at epektibong FLS-DBP sa kanilang sariling mga komunidad.

Dumalo sa graduation ceremony sina DA-PCC sa LCSF Center Director Eva R. Alvarez, City Veterinarian Dr. Michael Cabuguason, Victorias City Mayor's Representative Joseph Andrei Boy Garcia at DA-PCC sa LCSF CBED Coordinator Eden Tio. 

Mula sa pahina 3

Dalawang breeder bulls ...

“Mahalaga na maagang mabuntis ang mga kalabaw upang agad na makamtan ng mga magsasaka ang kita mula sa pag-aalaga nito,” aniya. Ang mga breeder bulls na ito kasama ng patuloy na inisyatiba sa AI, ay may mahalagang papel sa ikabubuti ng kalidad ng genetics at produksyon ng mga native na kalabaw sa lalawigan.

Sa pamamagitan ng paggamit ng Bulgarian Murrah breeder bulls para sa natural na pagpapalahi sa mga liblib na lugar, layunin ng programa na makamtan ang isang pinagandang lahi at mas mataas na produksyon para sa mga susunod na henerasyon ng mga native na kalabaw sa Apayao. 



Dairy Box sa Zamboanga del Norte, pormal na pinasinayaan

Ni Dorie Bastatas

Isang bagong dairy processing plant at marketing outlet ang binuksan sa Kalawit, Zamboanga del Norte noong Agosto 23, 2023.

Idinetalye ni Fe Emelda Academia, Senior Science Research Specialist ng DAPCC sa Mindanao Livestock and Production Complex (DAPCC sa MLPC) na binigyan ng Department of Science and Technology (DOST) ang Center ng isang processing facility sa pamamagitan ng Science and Technology (S&T) intervention sa ilalim ng DOST IX Grants-In-Aid (GIA) Program. Nagbigay din ng karagdagang pondo ang DA-PCC sa National Headquarters and Gene Pool (DA-PCCNHQGP).

"Kami ay lubos na nagpapasalamat sa DA-PCC para sa inisyatiba. Titiyakin namin na ang proyekto ay lumago upang makatulong sa pagtaas ng nutrisyon sa komunidad at maging bahagi ng kabuhayan. Nangangako ang DOST na patuloy na susuporta at tutulong sa mga proyekto sa hinaharap," ani Nuhman

M. Alijani, Provincial S&T Director ng DOST Zamboanga del Norte.

Sa kabilang banda, natupad ang pangarap ng mga magkakalabaw sa lugar na magkaroon ng sariling Dairy Box dahil magkakaroon ng mga trabaho, karagdagang kita, at makatutulong sa ekonomiya ng munisipyo, ayon kay Cecelio Velez, center director ng DA-PCC sa MLPC.

Ang Dairy Box ay isang one-stop dairy delicatessen store na itinatag sa buong bansa bilang isang market development support para sa mga magkakalabaw na nakikibahagi sa dairying. Ito ay isang market support component sa ilalim ng Carabao-based Business Improvement Network (CBIN)

Sundan sa pahina 11

Pagbubukas ng Dairy Box sa Leyte at Samar

Ni Sunshine Sabidalas

DA-PCC sa VSU-Magkasunod na groundbreaking ceremony ang isinagawa ng DA-Philippine Carabao Center sa Visayas State University (DA-PCC sa VSU) noong Setyembre 6 at 7, 2023 sa Carigara, Leyte at Basey, Samar.

"We're not just breaking the ground, but we are building dreams," pahayag ni Engr. Josefina Josol, municipal agriculturist ng Carigara, Leyte bilang pagkumbinsi sa mga maggagatas na isustina ang programa.

Nagpaabot din ng mensahe ng pasasalamat si Carigara, Leyte Mayor Eduardo Ong Jr. sa pamunuan ng DA-PCC, Philippine Coconut Authority (PCA), gayundin ang iba pang katuwang na ahensya.

Aniya, ang 'pastillas' at 'sundang' ang mga pangunahing lokal na produkto ng Carigara.

"Nakikita ko na hindi na kailangan ng mga gumagawa ng pastillas na bumili pa sa ibang munisipyo ng gatas ng kalabaw dahil nandito mismo sa atin ang supply," dagdag ni Mayor Ong.

"Wala akong pinagsisisihan. Sa palagay ko, ito ang pinakamahusay na desisyon na ginawa ng aking administrasyon noong nagpasya kaming tanggapin ang collaboration para sa proyektong ito," giit ng mayora.

Nagpaabot din ng mensahe si Senator Cynthia A. Villar, chairperson ng Senate Committee on Agriculture, Food, and Agrarian Reform. Sa kanyang ipinadalang video message, natukoy ng senadora ang kahalagahan ng pasilidad sa pagpapataas ng dairy produksyon sa bansa.

Mahalaga ang ganitong mga gawain para mapalaganap ang kahalagahan

Sundan sa pahina 11

DAIRY BOX SITES



The **Dairy Box** is an infrastructure support for smallholder dairy farmers and cooperatives assisted by the DA-PCC under its flagship program Carabao-based Business Enterprise Development (CBED).

It is designed to provide CBED stakeholders with an opportunity to gain access to the commercial market for greater income.

The first Dairy Box, which is a one-stop dairy hub that showcases products of local dairy cooperatives, was established in 2015 in the Science City of Muñoz, in Nueva Ecija and operated by the Catalanacan Multipurpose Cooperative Inc. (CAMCI).

Under the **ALAB Karbawan** intervention, **47 Dairy Boxes** have been established so far.



LUZON

- Abulug, Cagayan, Cagayan Valley
- Aglipay, Quirino, Cagayan Valley
- Asingan, Pangasinan, Ilocos
- Ballacayu, San Pablo, Isabela
- Ballesteros, Cagayan, Cagayan Valley
- Bangued, Abra, CAR
- Bansud, Oriental Mindoro, Mimaropa
- Batac, Ilocos Norte
- Boac, Marinduque
- Bongabong, Oriental Mindoro
- Calamba, Laguna, Calabarzon
- Calapan, Oriental Mindoro
- Camalig, Albay, Bicol Region
- Caoayan, Ilocos Sur, Ilocos Region
- Castillejos, Zambales, Central Luzon
- Dinalupihan, Bataan, Central Luzon
- Dungo, Aglipay, Quirino
- Dupax Del Sur, Nueva Vizcaya, Cagayan Valley
- Echague, Isabela,
- General Trias City, Cavite, CALABARZON
- Gubat, Sorsogon, Bicol Region
- Guinobatan, Albay, Bicol Region
- Jalajala, Rizal, CALABARZON
- Lubao, Pampanga
- Luna, Apayao, CAR
- Maria Aurora, Aurora, Central Luzon
- Masinloc, Zambales, Central Luzon
- Ocampo, Camarines Sur
- Orani, Bataan, Central Luzon
- Pasacao, Camarines Sur
- Piddig, Ilocos Norte
- Placer, Masbate, Bicol Region
- Puerto Prinsesa, Palawan, Mimaropa
- Rosario, Batangas, CALABARZON
- Rosario, La Union, Ilocos Region
- San Pablo, Isabela, Cagayan Valley
- Sariaya, Quezon Province
- Science City of Munoz, Nueva Ecija, Central Luzon
- Tayabas City, Quezon Province
- Tuguegarao, Cagayan, Cagayan Valley
- Victoria, Tarlac, Central Luzon

VISAYAS

- Astorias, Tabuelen, Cebu
- Barotac Nuevo, Iloilo, Western Visayas
- Basey, Samar
- Biliran, Biliran
- Carmen, Bohol, Central Visayas
- Catubig, Northern Samar
- Dumalag, Capiz
- Hamtic, Antique, Western Visayas
- Jordan, Guimaras, Western Visayas
- Kalibo, Aklan
- Maasin City, Southern Leyte
- Makato, Aklan
- Naval, Biliran
- Numancia, Aklan
- Pamplona, Negros Oriental
- Pandan, Antique, Western Visayas
- Par-ian, Cebu City, Central Visayas
- Pinamungajan, Cebu, Central Visayas
- Sagay City, Negros Occidental
- San Miguel, Jordan, Guimaras
- Tabuelen, Cebu
- Tagbilaran, Bohol, Central Visayas
- Talisay City, Cebu, Central Visayas
- Tanjay City, Negros Oriental, Central Visayas
- Tubigon, Bohol
- Tunga, Leyte
- Ubay, Bohol, Central Visayas
- Victorias City, Negros Occidental

● CBIN AND CCDP SITES

○ DAIRY BOX SITES
(Status update as of June of 2023.)

41

LUZON

Nineteen (19) new established Dairy Box sites for the second semester of 2023 in Luzon island

6 Dairy Box Sites under CBED

28

VISAYAS

Fifteen (16) new established Dairy Box sites for the second semester of 2023 in Visayas island

6 Dairy Box Sites under CBED

24

MINDANAO

Nine (9) new established Dairy Box sites for the second semester of 2023 in Mindanao island

1 Dairy Box Site under CBED



Dairy
BOX
SITES



MINDANAO

Bayugan City, Agusan Del Sur, CARAGA

- Bislig, Surigao Del Sur, CARAGA
- Cabadbaran City, Agusan Del Norte, CARAGA
- Cateel, Davao Oriental, Davao Region

Compostela, Davao De Oro, Davao Region

- Dapitan, Zamboanga Del Norte, Zamboanga Peninsula
- Dumalinao, Zamboanga Del Norte, Zamboanga Peninsula
- El Salvador, Misamis Oriental, Northern Mindanao
- Ipil, Zamboanga Sibugay, Zamboanga Peninsula
- Lupon, Davao Oriental, Davao Region
- Maitum, Sarangani, Soccskargen
- Matanao, Davao Del Sur, Davao

Mati City, Davao Oriental, Davao
Montevista, Davao De Oro, Davao

- Naawan, Misamis Oriental, Northern Mindanao
- Plaridel, Misamis Occidental, Northern Mindanao
- Pres. Roxas, North Cotabato, Soccskargen
- San Francisco, Agusan Del Sur, CARAGA
- Sta. Maria, Davao Occidental, Davao
- Surigao City, Surigao Del Norte, CARAGA
- Surrallah, South Cotabato, Soccskargen
- Talakag, Bukidnon, Northern Mindanao
- Tukuran, Zamboanga del Sur, Zamboanga Peninsula
- Tupi, South Cotabato, Soccskargen

ALAB KARBAWAN ACCOMPLISHMENTS SUMMARY AS OF JUNE 2023

No. of cooperatives
engaged in the
Milk Feeding Program

TOTAL
28

■ Processing and marketing
infrastructures established

TOTAL 38

■ Processing and marketing
infrastructures to be constructed

TOTAL 40

OPERATIONAL VALUE CHAIN

There are a **total of 37**
operational value chains
established under the
ALAB Karbawan project
since its inception in 2019.

All segments of a Carabao-
based Enterprise (CBE) value
chain are present such as
production and consolidation
of milk, processing and
marketing of products.





**ENTRUSTED
BUFFALOES FOR
CBIN AND CCDP**

TOTAL **4088**

CALVES BORN

TOTAL **1756**

FARMER RECIPIENTS

1826

ERRATUM

In the latest issue of ALAB Karbawan newsletter, the reported total calves born (on page 9) should be **397** and not 3,907.

**NO. OF CONDUIT
FARMER COOPERATIVES/
ASSOCIATIONS (FCAs)**

The number of conduit FCAs engaged in CBEs maintained a steady growth since the project started in 2019.

74 CONDUIT
CO-OPS

17 SCFOs
Small Coconut Farmers
Organizations (SCFOs)

**VOLUME OF MILK
PRODUCED**

1,237,276.50

LITERS

Maraming oportunidad sa pagkakalabaw, nagbukas para sa Tupi, SoCot

Ni Rodolfo Valdez Jr.



Parada, basbas, seremonya, at kampanya!

Ganito ang naging mainit na pagtanggap ng Tupi Integrated Agricultural Cooperative matapos ang pagbubukas ng kanilang Dairy Box noong Setyembre 4 sa Brgy. Kablon, Tupi, South Cotabato.

Ang naturang pasilidad ay ang pangalawang Dairy Box sa South Cotabato at ang kauna-unahang naipatayo at nagbukas sa Pilipinas sa ilalim ng Coconut-Carabao Development Project o CCDP. Ang CCDP ay proyektong magkaagapay na ipinatutupad ng DA-Philippine Coconut Authority (DA-PCA) at DA-Philippine Carabao Center (DA-PCC) para sa kapakanan mga magniniyog sa Pilipinas.

"Pangatlo kaming kooperatibang

inalok ng DA-PCC at DA-PCA nitong proyekto. Hindi man kami ang first choice, hindi ito dahilan para hindi namin pagbutihin ang aming pinasukang negosyo," ani TIAC Manager Angelita Claudio.

Sinariwa rin ni Claudio ang naging karanasan nila upang maipatayo ang Dairy Box. Aniya, dahil sa mga pagsasanay na isinagawa, pagbibigay ng makinarya at mga kalabaw, at ang patuloy na tulong ng mga ahensya ng gobyerno ang

nagtulak sa kanilang tanggapin ng buong puso ang proyekto.

Labis naman ang naging galak ni DA-PCC sa USM Center Director Benjamin John Basilio sa mga inisyatibo ng TIAC upang masimulan ang negosyong salig sa kalabaw. Naging sentro rin ng mensahe ni DA-PCA Regional Manager Emily A. Lorion ang naging malaking kontribusyon ng mga magniniyog mula sa Buto Small Coconut Farmers Organization ng Tampakan, South Cotabato at Malaya Integrated Farmers Association ng Banga, South Cotabato bilang pinagkukunan ng gatas sa proyektong CCDP.

Nagbigay naman ng mensahe at suporta si Senator Cynthia Villar na siyang chairperson ng Senate Committee on Agriculture, Food, and Agrarian Reform.

Aniya, nagsisimula siyang magsulat ng batas para sa local livestock, poultry, at dairy industry upang maging competitive ang mga industriyang ito tulad ng sa ibang bansa.

Dumalo at nagbigay din ng suporta sa proyekto ang mga kabalikat ng DA-PCC at DAPCA tulad nina Arthur Go; Marlon Flores mula sa National Dairy Authority ng Southern Mindanao, Juriski B. Mangelen ng Cooperative Development Authority XII, Kirbi Joy S. Garcia ng Department of Agriculture XII, Dr. Flora Bigot ng Provincial Veterinary Office ng South Cotabato, Simona P. Dela Cruz ng Agricultural Training Institute Region XII, Marvin Ganancial ng LandBank Philippines, Marion Candava ng Dole Philippines, Mayor Romeo Tamayo ng Tupi, at Roszhein Agustin ng Municipal Agriculture Office ng Tupi, South Cotabato.

Dahil sa suporta at pagtangkilik ng madla, magiging masinop ang pagtutupi ng TIAC sa kanilang benta mula sa gatas at iba pang produktong gawa sa kalabaw. //

"Tiyak ngang magaling ang TIAC! Hindi pa man naitatayo itong Dairy Box ay gumagawa na sila ng kanilang mga produkto upang masimulan na ang pagpapakilala nito sa publiko."

Benjamin John Basilio
DA-PCC at USM Center Director

NegOr ARBs, patatakbuhan ang kaunaunahang dairy biz sa Tanjay City

Ni Louie Jee Huelar



Ang kooperatiba ng mga magsasaka na San Julio Agrarian Reform Beneficiaries Cooperative (SJARBC) ay nakatakdang magpatakbo ng unang Dairy Box outlet sa Tanjay City na may opening at turnover ceremonies na ginanap noong ika-21 ng Hulyo 2023 sa Barangay San Jose ng bayang ito.

Pinangunahan ng DA-PCC sa La Carlota Stock Farm (DA-PCC at LCSF) ang pagbubukas ng seremonya bago ang pista ng Tanjay City noong nakaraang Hulyo 24 bilang pagsisikap na isulong ang Dairy CarabaoBased Entrepreneurship at itaguyod ang moral ng mga produkto ng dairy buffalo, at ito ay isang inisyatiba na naglalayong magkaroon ng malaking impluwensya sa lokal na pag-unlad

ng turismo ng Lungsod ng Tanjay.

Ang Dairy Box-Tanjay City ay nagbebenta ng mga iba't ibang uri ng dairy goods, mula sa gatas ng kalabaw kabilang ang fresh pasteurized milk, flavored milk, yogurt milk, "Karavron", kesong puti, "Karabun with fillings," pastillas de leche, dulce de leche at dulce gatas.

Mula sa pahina 5

Pagbubukas ng Dairy ...

ng industriya ng gatas sa mga bata at sa ekonomiya. Kailangan pa nating mapaganda ang ating dairy production," aniya.

Sa kabilang banda, nagpasalamat si Luz ChuPonferrada, municipal mayor ng Basey, Samar sa ahensya sa kabuhayang natanggap ng lokalidad.

Ayon sa mayora, wala nang mas hihigit pa sa pagkakataon na ito kaya kailangan pang palakasin ang kooperasyon at magtulungan ang isa't isa upang maging sustainable at matagumpay ang proyekto. //

Nakikita ng SJARBC ang pagbubukas ng Dairy Box bilang isang handog para sa mas magandang kalidad ng buhay sa mga Tanjayanon sa pamamagitan ng pagtataguyod ng mas magandang kita at nutrisyon.

Ang SJARBC at mga opisyal DA-PCC sa LCSF ay naroroon sa turnover event na pinangunahan ni SJARBC Chairperson Eva Montecino, General Manager George Yleana at DA-PCC sa LCSF Center Director Eva Rom, Arjay C. Venus na mula sa tanggapan ni Senador Villar, at mga opisyal ng lokal na pamahalaan ng Lungsod ng Tanjay na pamunuan ni Mayor José T. Orlino. //

Mula sa pahina 5

Dairy Box sa Zamboanga...

o ALAB Karbawan project na pinondohan ng Office of the Senate Committee on Agriculture, Food, and Agrarian Reform na pinamumunuan ni Senator Cynthia A. Villar.

Ang itinatag na one-stop shop ay nagbebenta ng malawak na hanay ng mga produktong gawa sa gatas ng kalabaw tulad ng pastillas, maja blanca, sariwang gatas, ice cream, at mga ice bar.

Dumalo rin sa inagurasyon sina Aimee Fulgencio, Cecilia Abo, Engr. Chris Guzon ng DA-PCCNHQGP; Hon. Salvador Antojado Jr., mayor ng Kalawit, Zamboanga del Norte; Desiree Ariola, Agricultural Program coordinator; Flaviano Hilay,

chairperson ng Board of Directors; Nestor Pineda, manager ng Siare Valley Agrarian Reform Beneficiaries Multi-Purpose Cooperative (SVARBEMPCO); Masdi Hasim, Manager ng Ipil Community Multi-Purpose Cooperative (ICMC); Lucy Recamara, municipal cooperative specialist; Cora Cabintoy, manager ng Antipolo Primary Agricultural Multi-Purpose Cooperative; mga kawani ng local government unit; kawani ng DA-PCC sa MLPC; at mga miyembro ng kooperatiba. //

ALAB KARBAWAN

Accelerating
Livelihood &
Assets
Buildup

ALAB Karbawan is the popularized name for the Carabao-based Business Improvement Network (CBIN) and Coconut-Carabao Development Project (CCDP). Since 2019, the project has been implemented in **93 sites** nationwide. The project is operationalized in service areas where all the development interventions and support are provided. This project is unique as it emphasizes on the crucial role of a strong cooperative conduit for each project location. The conduit will co-share with PCC in terms of project responsibility and accountability.

Meanwhile, cooperating local government units and other support agencies will ensure that assets will be used to improve the livelihood of the value chain players through herd buildup, organized collection of milk, and processing and marketing of products.

Carabao-based Business Improvement Network (CBIN) Program Components and Deliverables per Project Site:



PRODUCTION



PROCESSING



MARKETING



CAPACITY BUILDING & TECHNICAL SUPPORT SERVICES

I-scan ang mga sumusunod na QR code upang makita ang iba pang babasahin ng DA-PCC at mabisita virtually ang DA-PCC National Headquarters at Gene Pool.

DA-PCC K-Portal



Ang Knowledge Portal o K-Portal ay nagsisilbing e-platform na daluyan ng iba't ibang mga knowledge products mula sa Knowledge Management Division ng DA-PCC.

DA-PCC Virtual Tour



Maaari na ring bisitahin ang aming National Headquarters at Gene Pool para malaman ang iba't ibang pasilidad at mga serbisyong hatid ng ahensya sa pamamagitan ng isang virtual tour.